

D E D I C A T I O.

auffgehn lassen/ vnd darbey versucht/ ob selbige Werck ih-
 ren Genium, (wie die Alten zu wünschen gepflegt) oder an-
 nembliche acceptirung hin vñ wider behaupten möchten.
 Wie es nun darbey hergegangen/ vñ wie dero Schiffarth
 durch den Oceanum sovil dapfferer Lectorum, vnd ander-
 rer Vrtheil/fellern/ vnter vngleicher Tempesta' vnd win-
 den Prosperirt, davon hab ich/ zu verhütung der Suspicion
 aignen vnnötigen Ruhms / weitläuffig nichts / aber dis
 doch zu referirn nit vnterlassen sollen/ daß/ nachdem ange-
 deutete hochansehenliche / meine geehrte Herren Patroni
 vnd Wolgönner/ vnter andern noch ein am nechste zu end
 gebrachtes zimlich mühsamb/ vnd noch nit gemeines O-
 pus, von der Architectura Navali, bey mir gesehen/ vñnd
 darvon Bericht hatten/ selbige so eyferig an mich gesetzt/ sol-
 chen vierten Laborem zu publicirn, daß ich mich endlich/
 in Erwegung obangedeüter zwayer prægnantien, denen zu
 folg mich zubequemen nicht omb sein wollen.

Vñ weiln oftberührte drey Werck/ ohne personal Com-
 pellation auß seinen besondern Ursachen/ heraus kommen:
 als hab ich disem vierten Operi seine ansehenliche Patro-
 nen, gleichfals omb besonderer erheblichen motiven wil-
 len/ öffentlich benamsen/ vnd hierzu meine Großgünstige
 Hochgeehrte/ Vielgeliebte Herren/ Vettern/ vnd Schwä-
 gern designirn, benennen/ vnd erbitten sollen: Sintemal
 sie beede vnter denen/ welche zu vorhabendem intent mich
 gang anmütig auffgemuntert/ nit die letzte/ noch wenigste
 sein. Vnd hette ich Anlaitung gnug/ mit mehrerem zu de-
 ducirn, was massen der Herz Vetter/ auß dem/ ime in vñ-
 serer familia angebornen humor, vnd Geblüt/ von jugend
 auff in allerhand Adelichen Exercitiis sich rühmlichen ge-
 vbt!